

تاریخ عثمانی انجمنی

۱ شاپ
۱۳۳۰

پنجی سنه
نومرو ۳۰

مجموعہ سی



اسمسر و تاریخسز سکه‌لر - ساده نقشلی سکه‌لر

معلوم اولدنی اوزره دولت ابد مدت عثمانیه مسکوکاتی میاننده بولنان باقر سکه‌لره قدیماً « مانقر » تسمیه ایدیلوردی .
بومانقرلردن اوزرنده طغرای غرما و نام هایون یاخود تاریخ ضربلری بولنانلر سائر مسکوکات عثمانیه ایله برابر موزة هایونده ترتیب و تنظیم ایدلمکده اولان بیوک قولکسیونه ادخال ایدلشدر .
باقر مسکوکات عثمانیه دن اوزرلرنده ذکر و بیان ایلدیکمز نشانه و علامتلی حاوی اولیانلر دخی واردلر . بونلر ایکی قسمدر : بری مثلاً بروجهنده « ضرب قسطنطنیه » وجه دیکرنده بر نقش بولنان « اسمسر و تاریخسز مانقرلر » ، دیکری محل ضرب دخی یازلیوب هرایکی وجهی یالکز نقوشدن عبارت اولان « ساده نقشلی مانقرلر » در .
بونلرک سلاطین عثمانیه دن قنغیری زمانه عاڈ بولندقلرینک ، اسمسر و تاریخسز ضرب ایدملری نه سببه مبتنی اولدیلرک ، زماننده آچقه ایله رایجقرینک و الحاصل تاریخ عثمانیه نه کبی خدمت ایده بیله جکقرینک تدقیق و تحقیقی موزة هایون اداره سنجه عاجزلرینسه حواله ایدلدیکندن ایلك اول صورت عمومیه سی حقنده بیان مطالعات ، بعده مذکور سکه‌لرک موجود اولانلری برر برر تدقیق و تحلیل اولندی .

*
*
*

ملکمزده ایلك اول بوبایده مشغول اولان غالب بکدر ، مرحومک درت عدد مانقر حقنده مسکوکات عثمانیه قاتالوغنده کی رأیی [۱] و مخدومی مبارک بکک تاریخی تاریخسز عثمانلی واجبی اون بش مانقرک نقشلری

خصوصىنده بلچىقا مسكوكات مجموعه سيله نشر ايلديكى مطالعه [۱] پيش نظره آلتوب، سائر باقر مسكوكاتده موزه هايون قتالوغندن تدقيق اولنوب بونلردن استحصال ايديلان معلومات ايله بوكجي اكثريت مثال كوستريله رك قياس طريقيه مذكور ايكي نوع مانقرلرله هر بيرىنك زمان ضربلى تعيين وتخمين اولنه بيلمشدر واشكالى رسم وزيرلرینه اكثريته سكلردن استنباط اولنان ادله ممكناسى تخرير وترقيم اولمشدر .
دلائل مذكوره صورت عموميهده بروجہ آتى مواددن استنباط اولمشدر :

(۱) اسامى بلدانك صورت املاسنك ازمان تبدلى . مثلاً بروسه شهربنك نامى قنى تاريخلرده (برسه) (برسا) (بورسه) يازيله رق املاى حاضرى تقرر ايلديكىدر .

(۲) سكه‌لرده ترتيب كلمات . مثلاً

خلد

ملكه ضرب

تيره

برنجى سطرنده (خلد) ايكنجيسنده (ملكه ضرب) و اوچنجيسنده ضرب اولنان بلده اسمى محرر مسكوكاتك سلطان محمد خان ثانى زمانه منحصر اولدني وبوترييب كلاتده سلاطين سائرهنك سكه ضرب ايندير دكلرى مسبوق اولمدينى و فاتح مشارالېك (۸۸۰) تاريخلى آقچه لرینه سلطان عنوانك علاوه سى اوزرينه (خلد ملكه) جمله دعائيه سنك قالديرلسيله برابر بونك باقر سكه‌لرده زمان و درجه سراجى ،

(۳) (فلوس) كله سنك قنى تاريخلرده قولانيلدينى .

(۴) قديم مانقرلر اكثريته بر ويا دها زياده خطلرله قطراً ايكي به

تفریق ايدلمش اولدقلى جهته نه زمانه قدر بونك جارى اولدينى .

(۵) قدیم مائقرلرک برخط مستقیم ایله تفریقنک اکثریتله استعمال اولدیفنی دورلر .

(۶) مرکز سکده خطوطک قیوریتیلرله نقشلرله تبدیلی وخط مستقیم رینه خطوط منکسرہ دن عبارت و «نقش رومی» دنیلان شو [] [] [] نقشک سکلرده اکثریتله قبولی و تعمینک دوری .
(۷) ظہر مسکوکاتده کل دمقی نقوشنک متنوع صورته و وضعنک فنی دورده رغبت بولہرق اکثریت استعمالی زمانک تعیننی .

آناطولی ضربخانہ لرنده آز چوق مائقرلر ضرب ایدلمشدر . ہجرتک ۱۰۹۹ تاریخہ قدر ادرنہ مستثنا اولہرق (نوابرہ ده) ده ضرب ایدلمش برمائقردن بشقہ روم ایلی بلادنده ضرب ایدلمش مائقر کوریلہ مامشدر .

آناطولی ایالاتی حکومتلری مقدا مشہزادگانہ توجیہ واحالہ بیورلدیفنی معلومدر . بوندن مشہزار الیہمک لدی الحاجہ مائقرلر ضرب ایتدیرہ بیلملری صلاحیت و مآذونیتلری داخلندہ بولندیفندن ایلک اول بوصورتلہ اسمسز و تاریخسز اولہرق مائقرلر ضرب ایتدیردکلری ظنی حاصل اولمشسدر . حالبوکہ مذکور اسمسز و تاریخسز مائقرلرک ضرب ایدلدکلری محللرده وزمانلرده نام ہایونی حاوی مائقرلرده ضرب اولمشسدر ، شہزادگانہ آرتق آناطولیدہ حکومت تودیع ایدلدیکی زمانلرده دخی اسمسز و تاریخسز سککلرک ضربنہ دوام ایدلمشدر . ایشتہ مذکور خصوصات بوطنک تماماً طوغری اولدیفنی آکلائمش و آنی حکمدن اسقاط ایلشدر .

اونہ دنبرو مائقرلر مسکوکاتک الکیمتسزی عد اولندیفندن وبوجہت لسانمزدہ «فلس احمرہ محتاج» پارہ سی بوق بولی بوق [۱] ، مائقرلر طومز» کبی تعبیرات ایله تأیید ایدلدیکندن بویله قیمتی پک جزئی برسکک اسملی ویا اسمسز اولہ سندنہ ریأس اولہ میہ جفی خاطرہ کلورہ . لکن کوچک سککلرک [۱] پول اسمی لسان یونانیدہ مائقر مناسبہ کلان «اوپول» کلہ سندن تورکجہ لیشدر .

تجارت بلدانه دخل و تأثیرلری غیرقابل انکار اولدیفندن صرف نظر سلاطین عظام حضراتی مانتقرله دخی نام شاهانه ویا طفرای غیرالینی سکه لندیر - دکلرندن خاطره مذکوره تطمین و تأمین قلوبه کافی کورلماشدر .

تقویم مسکوکات عثمانیه مانتقرلر ایچون اوائلده مطرد بر اصول وقاعده وضع ابدلیدیکی و حجم و قطرلری یک مختلف اولدینی کبی وزن و ثقللرینه دخی اعتنا اولندینی مسطوردر [۱] . غالب یک مرحوم موزه هایون اداره سنک جهنه موفق اولدینی مقدارده سکه الده ایده مدیکندن بالطبع محدود بر موجود اوزرینه ابتنا ایفکار ایتشدر . مذکور موزه قتالوغندن سلطان مراد خان ثانی مانتقرلری تدقیق اولنورسه بعض مانتقرلر عین افاده و محتویاتی حاوی اولدقلری حالده بر ، یارم ، ربع درهم وزنلرنده اولدینی وکذا قطرلری دخی یکدیگرلرندن فرقلی بولوندینی کوریلور . بولرندن بر درهم ثقلتنده اولانلری اصل مانتقر ، یارم درهم کلنلری نصف مانتقر (بیجی [۲]) ، ربع درهم وزننده کیلرده ربع مانتقر (جریق) اولدقلری و مانتقرکده اجزاسی بولندینی اوکره نیلور ، بوتدقیقاندن دخی سلطان مراد خان ثانی زماننده ابتدا ایدن اسمسر و تاریخش سکه لر مانتقرلرک اصلی اولیوب وزن و قطرلرندن مارالذکر بیجی و جریق کبی اقسامی اولدینی معلوم اولور .

فاتح سلطان محمد خان ثانی زمانه عاقد بر مانتقر ربصیه سنه اسم و تاریخ وحتی محل ضرب بیله یا اولیه رق ایکی وجهنه مانتقریله مناسبندار نقشار وضع اولنوب میدان تداوله اخراج ایدیلیورمسی اثنای اخذ و اعطاده بواج نوع مانتقرلرک بر بردن یکنظرده فرقلری تسهیل مقصدینه مبنی اولمیلدر . ایشته بوسیله بعض مانتقر اقسامنه بدایه نام سلطانی وضع ایدلماسنده

[۱] صحیفه ۱۴

[۲] نام صحیحی بولنجهیه قدر مانتقر نصفیه سنه اسکی (بیجی بیله ذکر) تعبیرندن آله رق موقتاً بیجی ویرلشدر .

بر محذور کوريله نمش و مؤخرأ بعض مانقرلرك آشاغیده بیان ایديله جك سیه مبنی اسمسز اوله رق ضرب ایدلمسندہ بر بأس کوريله میه رك تعمم ایتمش و تعامل و حکمنه کیرمشدر .
تیره ضربخانه‌سی اوتوزہ قریب مختلف نقشلری حاوی اسمسز و تاریخنسز مانقرلر ضرب ایدہ رك بو خصوصده شهرت قازانمشدر . تیره ضربخانه‌سك بو فعالیتہ سبب نہ اولدینی آرائلزدن اول بونلرك اوزمان نہ مقدار ضرب ایدلکلی حقندہ بر علم اجمالی حاصل ایدلمسی موافق کورلمشدر .

فردوس آشیان سلطان محمد خان رابع زمانندہ استانبول ضربخانه‌سی زیارت ایدن اولیا چلبی سیاحتنامہ‌سندہ جلوس سنہ‌سك غیری سنہ‌لرده گوشدن ماعدا یومیہ اون قنطار مانقرلر ضرب ایدلدیکنی بیان ایدیور [۱].
خاقان مشار الیہ مدت سلطنتی (۴۱) سنہ اولسی جهتلہ بوندن جلوس سنہ‌سی تقریبی ایدلکدن صوکرہ متباقی قرق سنہ‌سك بہر سنہ‌سندہ اون قنطار مانقرلر ضرب ایدلمش اولسی لازمکلور .

بوروایتدہ مبالغہ اولوب اولمدیغنی بیلیمورز، فقط یالکیز بش سنہ روایت واقعه و جهلہ علی‌الدوام مانقرلر قطع ایدلدیکی فرض اولنسه بہر مانقرر بر درہم اولق اوزرہ اوچیوز یکریمی برملیون و کسور بیلک پارچه ضرب ایدلمش اولہ جق. حالبوکه غالب بک مرحوم اون بش سنہ تحریات متبادیہ بولندینی حالده بومانقرلردن بر عددینی بیلہ بولوب تقویمہ دہج ایدہ مدیکی کبی عثمان فرید بکک « مسکوکات عثمانیہ محل ضربلری » نام اثرندہ استانبولده ضرب ایدلمش مسکوکات میاتندہ بویله برمانقر اشارت ایدیلدیکندن باقر سکدرلک نہ مرتبہ سرعتلہ دوچار ضیاع اولدقلری تقدیر ایدیلہ بیلیر .

تیرہده ضرب ایدلمش اوتوز نوع اسمسز و تاریخنسز مانقرلرك الیوم

اثبات موجوديت ايتلىرى مثالدىن آلنان معلوماته نظرآ زماننده آنلردن بهرينك ضرب ايدلدىكلى مقدارى كثرتنى بالقىاس افهامه دلالت ايدر نشانه در .

كرچه استانبولده ضرب ايدىلن مسكوكات ضربخانهسى اولميان ممالكه توزيع وتقسيم ايديله جكي دركار ايسده فاتح سلطان محمد خان ثانى زمانندن سوكره آياثلوغ ضربخانه سنك سدى اوزرينه [۱] صاروخان آيدىن، منتشا، و جزائر بحر سفيددن اولزمان عثمانلى النده بولنانلرنده و بلكه وسطى آناتولىده تداول ايدى جك مانقرلر تيره ده ضرب ايدىلرلى و بوسيله اورا ضربخانه سنك ده بيوك بر فعاليت كوستره مى ماولدر .

مانقرلر اسمىز وتارىخىز ضربى سبینه كلنجه :

تيره ضربخانه سنك نام شاهانه ايله مسكوك مانقرلرلى موجوددر .

استانبولده متنوع باقرلر ضرب ايدلىكى حالده اسمىز وتارىخىز اولانى آنجى سكر اون قدر دركه بولنرك چوغى مانقر اقساميدر. حلبوكه تيره ده حال بونك عكسنددر ، يعنى تارىخچىلر نظرآ اسمىز وتارىخىزلىرلى همان ايكي مثلى درجه سنده در .

جنتىكان سلطان عبدالعزىز خانك تخت عثمانى به جلوسى سنى ده در سعاده مخصوص سكه نچاسيه در « عبار سنى حاوى يكرمى واون وبش پاره لك باقر سكه لر ك ضرب ايدلىسى استانبول اهالى سنىه اوافلق صيقنديسى چكديرلاماك نيتى، مقدارلرلى محدود اولان سالف الذكر سكه مخصوصه لر دن ماعداسى استانبولده تداول ايتديرليره رك آلنون ايله باقر آره سخته كى فرق فيثاك محافظه سى، تداول ايتمكده بولنان مصر باقر سكه لرلىك عدم تداولنه شوصورتله ممانعت ايدلىسى كى اوج تدبيردن بريته مستند اولسى لازم كلير .

ولاياتدن ومصدر دن كلن تجارلر و بولجىلر معرفيله استانبولده نقل ايدىلن سائر باقر سكه لرده عين طفرالى غراى همايونلرلى احتوا

[۱] آياثلوغ ضربخانه سنك مسدودى فاتح سلطان محمد خان زمانندن سوكره

اوراده ضرب ايدلىش مسكوكاتك كوريله مامسيله تخمين ايدىليور .

ایلمنه و آلیش ویریشده اوقاقلق صیقندیسی برطرف ایلمنه مینی اهاالی حسن قبول کوسترک تداولنده رواج حاصل اولدی . شو صورتله اساساً چوق مقدارده ضرب ایدلش باقرلرک مقداری بسبتون تکثر ایتدیگندن بر آراق مصر پاره لرینک تداولی صورت رسمیه ده منع ایدلدی . بوتدییده بر فائده یی مفید اوله میهرق آلتون آچایله باقر آراسنده کی فرق فیثات پک زیاده تزايد ایتمکله نهایت ۱۲۹۷ سنه سی قرارنامه سیله جمله سی موقع تداولدن رفع ایدلش ایدی .

اوقاقلنک قسم کلیمسی تشکیل ایدن باقرلرک دفعه تداولدن منعی هر طرفه تجارت محلیه به سکنه ایرات ایدلیکی جهته هان آطه لر وسواحل اهاالیسی بلدیهری معرفتله تداولی منع ایدیلن باقرلره فیثات حقیقه لرینه نظراً برر فیثات تقدیر واوزرلرینه جزیره ویا قصبه لرینه مخصوص روجه ویا تورکجه تمقالر اوردق دیکر لرندن تفریق ایلدکن صکره بولندقلری مملکتلرده تداول ایتدیرمشردرکه شومثال تیره ضربخانه سنک پک چوق اسسز و تاریمخیز سکرلر ضرب ایتدیرمسنده کی سبی ایضاح ایدر .

استانبول ضربخانه سی، خصوصی ضربخانه لری بولنقی حبسیله غربی آناتولی ایالتنه مانتقر کوندرمزدی . اورالده ضرب ایدیلن مانتقرلده اوزرلرنده نام پادشاهی و تاریم ضرب بولنماق سببیه عمومیتدن خصوصیتنه انتقال ایدوب عادتاً برر ماره حکمنی آکتناب ایله ساز ممالک عثمانیه ده تداول ایده میهرک رایجی داخل دائره مآذونیتی اولان مملکتلره انحصار ایتمشر . ایشه بو جهته اورالر خلقی اوقاقلق یوزندن دوچار صعوبت اولدقلری کی آلتونله اولان فرق فیاندن دخی متضرر بولندقلری مأمولدر .

مقاعد میرآلای

مابعدی وار

علی